

سنه لکی درساعت ایچون مجیدیه
یکرمی غروش حسابیه القمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

فکرانک محاکمات عدلیه

آبونه اولمق ایستینلر دائره عدلیه ده
اداره مخصوصه سنه مراجعت
ایتملدر

اعلانانک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه به متعلقدر

تَبْلِیغَات

غصب و سرقت کبی مواد جنائیه متدائر
اتخاذ قلوب تمیزاً نقض ایدیلن مقرراتی حاوی
اعلاملرک اسباب نقضیه دائره سنه اصلاحی تشکیل
طرفینه متوقف اولوب حالبوکه مرور زمان ایله
مدعی و مخبرلردن اکثریسی وفات و یا تبدیل موقع
اقامتله بولنه مدقلمری مثللو مدت محکومه لرینی ا کال
ایله اولجه سیللمری تخلیه قلمش اولان متهملرک
دخی اکثریسی کذلک وفات و یا تحویل اقامتله بولنه
مدقلمدن ا کال محاکمه ممکن اوله مدینی بیانیله دور
ایلمکده اولان اوراق محاکمه نک ابطالی و یا خود بو
بابده بر تدبیر مناسب اتخاذی حقنده سیواس ولایتی
استیناف محکمه سی مدعی عمومیلکندن وارد اولان
تحریراته، محکمه تمیزجه بر اعلاملرک نقضی اوزرینه
یکدن اجرا اوله حق محاکمه مدعی شخصینک
علی الاصول بر ککره دعوت ایدلمسی مقتضی
و وفات ایتمسندن و یا خود محکمه یی خبردار ایتمکسزین
تعین ایتدیکی اقامتگاهنی تبدیل ایله بولنه مامسندن
طولانی حقوق عمومیه دعواسنک تأخر رؤیتی لازم
کلیه جکی بدیهی اولدینی کبی متهمک وفاتی حالنده
حقوق عمومیه دعواسی ساقط اوله جتی جهته دیگر
کونه معامله اجراسنه محل قالیوب فقط بر حیات
اولوبده مدت محکومه سنی ا کال ایله سیبلی تخلیه
قانه رق اوراق تحقیقه ده مندرج اقامتگاهنده بولنه
مدینی والیوم نرده ایدوکی مجهول بولندینی صورته
اصول محاکمات جزاییه قانوننک فصل مخصوصنده
مندرج اصول وقواعد توفیقاً اعلانات مقتضیه
اجراسیله عن الغیاب رؤیت دعوی ایدلمک و تشکیل
طرفین ممکن اولوبده مخبرلرک بولنلری امکانشزانی
تحقق ایلدیکی صورته افادات مضبوطه لرینه مراجعتله
معامله اولنق لازم کله جکی اولبابده اجراسی اقتضا
ایدن معاملات قانون مذکورده مصرح اولقله برابر
اشبو معامله نک تقدیری کیفیتی دخی رؤیت محاکمه
مأمور اولان حکامه عائد وظائفندن اولقله احکام

قانونیه دائره سنه ایجاباتنک اجراسنه مسارعت اولنسی
اقتضا ایدمک جکی جوابی انجمن عدلیه افاده سیله ۶
اغستوس سنه ۳۱۷ تاریخنده تبلیغ اولنمشدر .

اموال غیر منقوله نک فروختی حقنده کی نظامنا -
مده محرر اموال غیر منقوله تعیرینک اراضی امیریه
ایله مسققات و مستغلات موقوفیه مصروف اوله رق
املاک صرفیه شمولی اوله میه جفندن املاک صرفه نک
مجله احکام عدلیه به توفیقاً فروختی لازم کله جکی
تعمیماً تبلیغ اولنسان ۱۵ کانون ثانی سنه ۹۱
تاریخی تذکره سامیه ده بیان و ایضاح قلمش ایسه ده
ارضی کروم و اشجاره تبعیتله ملک اوله رق تصرف
اولنه کلمکده اولان باغ و باغچه لر حقنده نه بولده معامله
ایدلمک اقتضا ایدمک جکده اکثر محاکمه تردد اولنمقده
ایدوکی آیدین و جزائر بحر سفید ولایتلری عدلیه
مفتشکندن بیلدرلیسی اوزرینه احکام مندرجه سی
املاک صرفیه منحصر اولان مجله احکام عدلیه نک
اراضی امیریه و مسققات و قفیه حقنده قابل تطبیق
اولمامسیله دین ایچون بولنرک صائلیسی اموال غیر
منقوله نک فروختی حقنده کی نظامنامه نک نشریه تجویز
ایدلمش اولسنه بناءً نظامنامه مذکور احکامنک املاک
صرفیه عدم شمولی کیفیتی قواعد کلیه دائره سنه
اساساً بیع و فروختی جائز بولنن املاک فروختی
معامله سنی اخلال ایتیه جکی مثللو اراضی امیریه اوزرنده
مغروس کروم و اشجاره تبعیتله ملک حکمنده بولنن
باغ و باغچه لرک دخی املاک صرفه مثللو مجله احکام
عدلیه به توفیقاً بیع و فروختی جائز اوله جتی انجمن
عدلیه افاده سیله ۲۲ اغستوس سنه ۳۱۷ تاریخنده
مذکور مفتشکله تبلیغ اولنمشدر .

محاکمات مقدماتی

شهودک احکام مجله به موافق الفاظه شهادت
ایدوب ایتدکلرینک اعلامه درج ایدلمامسی

و مرور زمان مدتلرینک سنه قریه دن تعیین
و حساب ایدلمک مقتضی ایکن سنه شمسیه دن
حساب اولنسی نقض حکمی مستلزم بولندیغنه
دائر محکمه تمیز استندا دائره سنندن ۱۲
ایلول سنه ۳۱۶ تاریخنده اعطا قلنان اعلامک
صورتیدر :

بالیکسر قصبه سنک قصابلر محله سی اهالیسندن
کسکین اوغلی مصطفی ایله بننده متکون دعوايه دائر
قره سی سنجاغی بدایت محکمه سی حقوق دائره سنندن
ویریلن ۲۵ مارت سنه ۳۱۶ تاریخلی اعلامک
تمیزینی مستدعی محله مذکورده سکنه سندن سراج
احمد زوجه سی صائمه قادینک اعطا ایتدیکی عرفحال
و متفرعاتی تعلق دعوی حسیله باش مدعی عمومیلک
مأموریت بهیه سنک مطالعه نامه سیله برلشدر یلرک
محکمه تمیزک استندا دائره سننده لدی التدقیق مدت
و شروط قانونیه سنه موافق اولقله عرفحال مزبور
بالقبول مرور زمان قرارینی متضمن اولان اعلام
مذکور حقنده تدقیقات تمیزیه اجراسنه ابتدار قلندی .

اعلام آتف الیائک خلاصه مالی سراج اوغلی
متوفی چاقر محمدک حال حیاتنده بیک بش یوز غروش
بدل مدفوع مقابلنده مرقوم مصطفایه بیع و تسلیم
ایلدیکی نصف ملک خانه به نصف دیگرینک متصرفی
اولان متوفی احمدک زوجه سی مزبوره صائمه قادین
جانبندن بالاصاله و بالولایه وقوع بولان مداخله نک
منعیه مدعی مصطفایه تسلیمنه دائر محکمه مرقومه دن
صدور ایدن اعلام غیابی علیه صائمه قادین طرفندن
اعتراض علی الحکم وقوعیه جریان ایدن محاکمه
وجاهیه ده معترضه مرقومه وکیلی خانه منازع فیهک
جمله سی موکله سنک زوجی متوفی احمدک اوتوزسنه دن
بری بلا نزاع تصرفنده ایکن وفاتیله موکله سنک
ولایتنده بولنن اولاد صغارینه انتقال ایتدیکی
جهته معترض علیه مصطفانک دعواسنده مرور زمان

تعيين ايتديرلماسى وارضى مأمورى حاضر اولديغى حالده مجله نك ترجيح بينات فصلنده محرر قاعده يه توفيقاً ايحاب ايدن طرفدن بينه طلب واستماع قلمماسى نقض حكى مستلزم بولنديغنه دائر محكمه تميز حقوق دائره سندن اعطا قلنان ۲۲ تشرين ثانى سنه ۳۱۶ تاريخلى اعلامك صورتيدر:

بايزيد سنجاغنه تابع قره شيخ قريه سى اهاليسندن تشرين ثانى سنه ۳۱۵ تاريخنه نظراً دعواى واقعه ده مرور زمان اولديغنه واساس ماده نك بالتدقيق اعتراض على الحكم عرضالك رديه حكمدن ومستدعيه صائمه قادينك اشيو حكم عليه لايحه سنده مندرج اعتراضاتك مؤداسى محكمه نك كوستر مش اولديغى توارينه نظراً عندى الحساب دعوا ده مرور زمان اولديغى حالده مرور زمانك عدم وجودينه قرار وىرمى مغاير قانون ايدوكندن بحاله اعلام مذكورك نقضى وىمىز عليه مصطفى نك لايحه سنده محرر فذلكه اجوبه سيده اعلام مزبورك موافق قانون ايدوكى بيانيله تصديق استدعاسندن ومطالعه نامه نك مفاديه اعلامده مرور زمان حقتده كوستري لان اسباب مقبوله يه نظراً اولبايدهكى لايحه تميزيه ده درميان اولنان اعتراضاتك بجا كوريله مديكى بيانندن عبارت بولنشد:

ايجابى لى المذاكره مدعى عليها صائمه قادينك خانه منازع فيه ذى اليد اولديغنه دائر استماع قلنديغى اعلامده كوستري لان شهودك احكام مجله يه موافق الفاظ شهادتله شهادت ايدوب ايتدكلرى آكلاشيه بيلمك ايجون صورت شهادتلي نك اعلام مذكورك درج وتيقى مقتضى ايكن درج وتصريح ايدلماش اولسى وبو مقوله مرور زمان مدتلرينك سنه قريه دن تعيين وحساب اولغى لازم كلور ايكن سنه شمسيه دن حساب ايدلمش بولغى موجب نقض اسباب قانونيه دن كورلدنكندن اصول محاكمه حقوقيه قانونك ايكي يوز اوتوز ايكنجى ماده سى موجبجه اعلام ميزه يك نقضيله كيفيتك احكام قانونيه دائره سنده يكيدن بالتدقيق حكم واعلامه ربط اولغى اوزره قريه سى بدايت محكمه سنه اعاده سنه وزبرده مفرداتى مرقم اوچيوز اوتوز دوت غروش اوتوز پاره مصارف تميزيه نك بالآخره حقتن چيقه جق طرفه راجع اولق اوزره اول امرده مستدعيه صائمه قاديندن آلمسنه ۱۲ ايلول سنه ۳۱۶ تاريخنده متفقاً قرار وىرلدى.

منازع فيه اراضينك حدود وسنورينك

موى اليك بولنديلمقسنين امر محاكمه نك اجرا قلمسى يولسز ومخالف قانون اولديغى بيانندن عبارتدر.

ايجابى لى المذاكره اعلام مذكور مألندن منقهم اولديغى اوزره اول امرده مدعى موى اليه منازع فيه اراضينك حدود وسنورى تعيين ايتديرلدىكن واساس دعوانك عقاره متعلق اولسى حصيله توجيه خصوصت ايجون ذى اليدك مساهله نك اراضى مأمورى حاضر اولديغى حالده بالينه احد طرفيه اثبات ايتديرلدىكن صكره مجله نك ترجيح بينات فصلنده محرر قاعده يه توفيقاً ايحاب ايدن طرفدن بينه طلب واستماع حكم ايدلك اقتضايديركن ببولده اجراى معامل ايدلمقسنين حكم اولغى يولسز ومخالف قانون اولديغندن اصول محاكمه حقوقيه قانونك ايكي يوز اوتوز ايكنجى وايكى يوز قرق برنجى ماده لرى موجبجه اعلام مذكورك نقضيله قانون مزبورك ايكي يوز قرق درديجى ماده سى حكمنه توفيقاً كيفيتك صور محرره دائره سنده بالرويه اعلامه ربطى ضمننده محكمه مذكوربه اعاده سنه وزبرده مفرداتى مرقم اوچيوز التمش بر بچق غروش مصارف تميزيه نك ايلورده حقتن چيقه جق طرفه رجوع اتمك اوزره اول امرده مستدعيدن اخذينه ۲۲ تشرين ثانى سنه ۳۱۶ تاريخنده متفقاً قرار وىرلدى.

قتل ماده سندن طولاي جنايته متهم

بولنان بطرس ايله رفيق الياس البرجوتى نام شخصلرك مغاير قانون اوله رق برائلى حقتده بيروت ولايتى استيناف محكمه سى جزا دائره سندن وىريلان اعلامك اصول محاكمات جزائيه قانونك اوچيوز قرق يدنجى ماده سنه ونظارت جليله عدليه نك يوز قرق اوچ نومرولى امر تحريرسنه توفيقاً نقضنه دائر محكمه تميز جزا دائره سندن اعطا قلنان ۹ حيزران سنه ۳۱۷ تاريخلى اعلامك صورتيدر:

باش مدعى عموميك مأموريت بهي سندن محكمه تميز جزا دائره سنه ارسال قلنان ۳۰ كانون ثانى سنه ۳۱۶ تاريخلى اوچ بيك طقوز يوز تمش يدى نومرولى تبليغنامه وراق متفرعه سيله مطالعه اولندى.

مذكور تبليغنامه مندرجاتى بيروت استيناف محكمه سى جزا دائره سندن مغاير قانون اوله رق صادر اولان بعض مقرراتى حاوى اعلامات ايله وراق متفرعه سى بيروت وسوريه ولايتلى عدليه مفتشلكندن ۳۰ ايلول سنه ۳۱۵ تاريخلى تحريراته ورود ايتكمه بولردن

اعراضات. مندرجات اعلامه نظراً بجا اولديغنه ومستلزم نقض اسابدن بولنديغنه مبنى اصول محاكمات جزائيه قانونك اوچيوز قرق يدنجى ماده سى موجبجه اعلام مذكورك نقضنه وايكى يوز غروش تميز اعلامى خرجنك تحصيله ۹ حيزران سنه ۳۱۷ تاريخنده قرار وىرلدى.

اسكويه تابع اجوه قريه لى كاظمك كيفيت جر- حندن طولاي جنايته اتهام اولنان راقوطيحه قريه سندن ني قوله ولد نستورك اوچ سنه مدته كوركه قولنسنه دائر قوصوه استيناف محكمه سى جزا دائره سندن وىريلان ۲۵۷ نومرولى اعلامك ۳۱ تموز سنه ۳۱۷ تاريخنده تصديقه

مغيسايه تابع تركش قريه لى محمد اوغلى حسنك قتلدن طولاي اون بش سنه كورك جزا سيله صورت قطعيده محكوم بولنان ژاندارمه افرادندن ولينك جلسخانه دن فرازدن ناشى محكوم اولديغى اون بش سنه نك نلى اولان بش سنه كورك جزا سنك محكوميت سابقه سنه ضم وعلاوه سنه دائر صاروخان سنجاغى بدايت محكمه سى جزا دائره سندن وىريلان ۲۶ نومرولى اعلامك ۳۰ حيزران سنه ۳۱۷ تاريخنده تصديقه

عمر اوبه قريه لى عمر اوغلى جعفر ك جرح و قتلدن طولاي جنايته اتهام اولنان ادرنه نك اورته قره آغاچ محله سندن طودور اوغلى استفانك اون بش سنه مدته كوركه قولنسى حقتده ادرنه استيناف محكمه سى جزا دائره سندن وىريلان ۱۸۴ نومرولى اعلامك ۳۱ مائس سنه ۳۱۷ تاريخنده تصديقه

خبره بولى قصبه سنده واقع الياس محله سى سا- كلنلندن احمد اوغلى حسن قتل قصدى اولقمقسنين ضرب ايدرك وفاته سببىت وريدكى ادعاسيله مظلون عليه اولوب جنايته اتهام اولنان برادرى ابراهيمك بش سنه مدته كوركه قولنسى حقتده تكفور طاعى سنجاغى بدايت محكمه سى جزا دائره سندن وىريلان ۲۹۵ نومرولى اعلامك ۳۰ تموز سنه ۳۱۷ تاريخنده تصديقه

يكديكرينه قتل قصديه سلاح انداخت ايتدكلرى ادعا قلن سندن طولاي جنايته اتهام اولنان سالخانلو قريه سندن ابراهيم اوغلى احمد ايله قريه مذكورهدن مixel اوغلى اطناشك اوچر سنه مدته كوركه قو- نللى حقتده كوملجنه سنجاغى بدايت محكمه سى جزا دائره سندن وىريلان ۵۸۳ نومرولى اعلامك ۲ اغستوس سنه ۳۱۷ تاريخنده تصديقه

كيلان قصابنك راسويجه قريه سندن استايچو ولد استوبانك كيفيت قتلدن طولاي جنايته متهم بولنان قريه مذكورهدن استوالقو اوغلى ديمتري نك

اون بش سنه مدته كوركه قولنسنه دائر پرشتمه سنجاغى بدايت محكمه سى جزا دائره سندن وىريلان ۱۲ نو- مرولى اعلامك ۳۰ تموز سنه ۳۱۷ تاريخنده تصديقه

مغيسايه تابع خروس قريه سى جوارى تيار بكجىلرندن قونيه لى حسين اوغلى محمدك كيفيت قتلدن طولاي جنايته متهم بولنان بوزقير قصابنك ددمه قريه سندن قره عثمان اوغلى محمدك اون بش سنه مدته كوركه قولنسى حقتده صاروخان سنجاغى بدايت محكمه سى جزا دائره سندن وىريلان ۳۵۴ نومرولى اعلامك ۲۰ حيزران سنه ۳۱۷ تاريخنده تصديقه

باباسلق قريه سى اهاليسندن يورغاج ولد لفر ك جرح و قتلدن طولاي جنايته اتهام اولنان قريه مذكورلى كيجى استراطى ولد باندلى دوقه نك اون بش سنه مدته كوركه قولنسى حقتده مدالى سنجاغى بدايت محكمه سى جزا دائره سندن وىريلان ۲۰۲ نومرولى اعلامك ۱۸ حيزران سنه ۳۱۷ تاريخنده تصديقه

بك اوغلنده فريديه جاده سنده مادام پوليزه نك خانه سى قوسنى آت مخصوصه استعما ليله آجغه تشبك ايتديكى صروده اسباب مانعه حيلولتيله فعل سرقى ميدانه كتوره مديكى ادعا قلن سندن طولاي مظلون عليه اولوب جنايته اتهام اولنان قاسم پاشاده مقيم نيكدلى اشجى آپوستولك اوچ سنه مدته كوركه قولنسنه دائر در سعادت جنايت محكمه سندن اعطا قلنان ۹۴ نومرولى اعلامك ۲۰ نيسان سنه ۳۱۷ تاريخنده تصديقه

محكمه تميز جزا دائره سنجه قرار وىرلشدر .

سم مجيدى ايله چاريك وايكيلكك تقايد مسكو- كات قطع واعمال ايلديكى ادعاسيله متهم بولنان احمد بن يوسف ايله مشترك بالجرم اولديغى ادعاسيله كذلك متهم اولان قولتو فنى محمد بن حاجى مصطفى نك اجرا قلنان محاكمه علنيه لرى تيجه سنده مرقوماندن احمدك سم مجيدى ايله چاريك وايكيلككك تقيداً مسكوكات قطع واعمال ايلديكى تحقيقات اوليه انساننده طايماً واقع اولان اقرارى خانه سى ايله اوزرينك تحريرسنده مجيدى و چاريك وايكيلككك اعماله مخصوص قالبر وقلب القجر والآت وادوات ظهور ايتتى وشاهدلرك اخباراتى وقلب نك فعلندن طولاي محكوميت سابقه سى بولغى ايله تميز ايتديكندن اولوجهل مجريته وقانون جزا نك يوز قرق اوچنجى وسكرنجى ماده لرينه توفيقاً اون بش سنه مدته كوركه قولنسنه وديكر متهم محمد كلنجه مرقومك اشيو قلب نك جرمنده احمد اشتراك ايتديكى حقتده اسباب ثبوتيه دسترس اولنه مديكى كى احمدك قلب اچق

اعمال ايتديكنى حكومت سنيه اخبار ايلديكى دخى
آكلاشديغندن برائنه

اوچيوز اون يدى سنيه نيسانك يكرى
اوچنجى بازار ايرتسى كيجهسى چكجه صغير قضاسنه
تابع نيقوچه نام مرعاده لوفجه مهاجرلردن خليل
بن على بن جرح ايلديكى ادعاسيله متهم بولنان چوبان
واسيل حقنده اجرا قلنان محاكمه وجاهيه نتيجه سنده
مرقومك، خليلي برآلت ناريه ايله جرح ايلديكى على-
الدرجات واقع اولان اخبارات ومعينه راپورى
مندرجاتى وامارات سائر دلالتيله موقع ثبوت ايصال
ايدلمش ايسهده جرح مذكورك قتل قصديه وقوعه
كتورلديكى آكلاشيله مديعندن بالمقابله جرح فعلنك
فاعلى اولديغنه وقانون جزانك يوز سكسان طقوزنجى
ويوز طقسانجى مادهلرينه توفيقاً آلتى ماه حبس
ايدلمسهنه و بش سنه دخى ضبطيه نظارتى آلتنده بولند-
برلسنه

بيك اوچيوز اون يدى سنيه حيزرانك
سكزنجى كيجهسى غلطهده ارقادى زقاغنده بالمنازعه
يچاقله يشارى جرح و قتل ايتديكى ادعاسيله متهم
بولنان طلومبىجى صالح و مرقومه، قتل فعلنده معاوننده
بولندقلرى ادعاسيله كذلك اتهام اولنان و واپورلرده
عملهك ايدن قره اسماعيل و بصرى، ويكديكرينى ضرب
وجرح ايتلرندن طولايي جنجه ايله لزوم محاكمه لرينه
قرار ويرلمش اولان احمد وسيد وسليمان و عثمانك
اجرا قلنان محاكمه لرى نتيجه سنده مرقوموندى
صالحك يشارى جرح و قتل ايتديكى تحقيق ايتش
ايسهده قره اسماعيل و بصرينك فعل قتل معاونتلىرى
آكلاشيله ميوب آنجق ديكرلريله برلكده عاصم و عثمانى
ضرب وجرح ايلديكلرى و عثمانك دخى مرقوم صالحى
ضرب ايتديكى على الدرجات وقوعبولان اخبارات
وصالحك اقرارى ومعينه راپورلى مندرجاتى وامارات
سائر ايله ثابت اولديغندن مرقومونك قتل و ضرب
وجرح فعللرينك فاعللرى اولق اوزره مجرميتلرينه
وبوللردن صالحك قانون جزانك يوز يتمش دردنجى
ماده سنك برنجى فقره سى حكمنه توفيقاً اون بش سنه
مدتله كوركه قوتلسنه و قره اسماعيل و بصرينك دخى
قانون مزبورك يوز يتمش طقوزنجى ماده سنه توفيقاً بر
سنه و احمد وسيد وسليمان و عثمانك بررماه حبس ايدمللرينه
ومدعيه شخصيه نير خانمك ديلديكى حالده ديت ايچون
محكمه شرعيه به مراجعتده مختار بولنديغنه سيدوسليمان
حقلرنده غيباباً و ديكرلرى حقلرنده دخى وجاهاً
محكمه جنايجه حكم اولمشدر .

آقسرايده يشيل طلومبىده اوچ نومرولى دكانده
طوغرامه جى نيكدهلى قدير اغانك قونديره سنى سرق

ايلديكى وعين فعل ايله محكوميت سابقه سى بولنديكى
ثابت اولان قير شهرلى حبيب بن محمدك آلتى ماه
حبسنه و ختام مدتده ضابطه به كفالت آلتنه آلتنه
داير بدايه ويرانان حكملك تصديقنه درسعادت
استيناف جنجه محكمه سنجه قرار ويرلمشدر .

ايعلانبات

اوچيوز اون آلتى سنيه تشرين تائيسنك يكرى
آلتنجى بازار كيجهسى قاليونجى قوللغنده توتونجى
سركرنك دكانى قوسنى آلت مخصوصه ايله آچهرق
سرقة تصديده بولنديكى و قتل قصديه بكجى ابراهيمه
روولور انداخت ايلديكى ادعاسيله اتهام ايديلان اسپرويه
معاونت و مشاركتده بولنديكى ادعاسيله كذلك متهم
اولان و مقدا آياصوفيه جوارندهكى لوقطه لرده سر-
ويتورلك ايتكده ايكن فرار ايدن اوزونجه بويلى،
قرال صاج و قاشلى، الاكوزلى، مطروش يكرى طقوز
ياشنده سرسرى كروهندن آستانهلى قله اتى ولد يانى
الآن دردست اولنه مامش اولديغندن تاريخندن اعتباراً
جانب رياستدن كندوسنه اون كون مهل اعطا قلنمشدر
مهل معين ظرفنده كلديكى حالده قانونه اطاعت
ايتامش نظريه باقيله رق حقوق مدنيه دن اسقاط قلنه-
جنى و محاكمه غيايه سى ائنده اموالى حيز ايديله جكى
و بوسرهده بركونه ادعا به حق اوله ميه جنى و علمينده
دعوا به قيام اولنه جنى و بالجملة ضابطه عدليه مأمور-
لرينك كندوسنى طومتغه مجبور بولندقلرى امرى
اعطا و متمك املاكى حيز اولنق اوزره مدعى عموم-
مملكه تبليغات مقتضيه اجرا ايلديكى جهته اصول
محاكات جزائيه قانوننك اوچيوز يتمش برنجى و اوچ
يوز يتمش ايكنجى مادهلرندن استنباط اولنان احكامه
توفيقاً اشبو قرارنامه اعلان اولنور .

فى ۱۷ تشرين اول سنه ۳۱۷

سلطان حامنده بلا نومرو مغازهده ساكن مفلس
بول واسيلو بولونك دمتنده آله جغنى اثبات ويا موقه
قبول وقيد ايتديرمش اولان آله جقيلرك قانوننامه
تجارتك ايكيوز اون برنجى و آنى ولى ايدن ماده سى
موجبجه مفلس مرقوم طرفندن تكليف اولنه جق
قونقورداتونك مذاكره سيچون اشبو تشرين اولك
يكرى بشنجى چهارشنبه كونى ساعت يدى راده لرنده
محكمه تجارتك افلاسه مخصوص اوطه سنه كللى اعلان
اولنور .

فى ۱۷ تشرين اول سنه ۳۱۷

ژوژ قوميسر

غلطهده قله قوسنده ۲۸ نومرولى مغازهده و
بارنطان خاندن ۷ نومرولى اوطهده مقيم مفلس ژوزف
ستاينغاردك تحقيق ديون معاملاتنه ابتدار اولنه جغندن
مرقوم دمتنده آله جنى اولانرك اوراق مثبتلرينى
حامل اولدقلرى حالده ۳۱۷ سنيه تشرين تائيسنك
آلتنجى صالى، يدنجى چهارشنبه و سكزنجى پنجشنبه
كونلرى ساعت آلتيدن طقوزه قدر تجارت بحريه
محكمه سنك مصالح افلاسه اوطه سنه بالذات ويا بالوكاله
مراجعت ايدرك آله جقيلرى تحقيق ديون دفترينه قيد
ايتديرملرى لازم كله جكى و ايام مذكوره ظرفنده
مراجعت ايتيانلر حقنده تجارت قانوننك ۲۱۰ نجى
ماده سى احكامنك موقع اجرا به قونيله جنى اعلان
اولنور .

فى ۱۷ تشرين اول سنه ۳۱۷

افلاس مأمورى

ايوب صبرى

محمود پاشا جاده سنده ۱۴۲ و قالپاچيلر باشنده
۲۲۵ نومرولى دكانلرده اجراى تجارت ايدن مفلس
طناش مهجيدى دمتنده آلا جغنى اثبات ويا موقه قبول
وقيد ايتديرمش اولان آلا جقيلرك قانوننامه تجارتك
ايكيوز اون برنجى و آنى ولى ايدن ماده سى موجبجه
مفلس مرقوم طرفندن تكليف اولنه جق قونقورداتونك
مذاكره سيچون اشبو ۳۱۷ سنيه تشرين اولك
يكرى بشنجى چهارشنبه كونى ساعت يدى راده لرنده
محكمه تجارت بحريه نك افلاسه مخصوص اوطه سنه
كللى اعلان اولنور .

فى ۱۷ تشرين اول سنه ۳۱۷

ژوژ قوميسر

درعليهده محمود پاشاده عبود افندى خانى آلتنده
اجراى تجارت ايلكده ايكن ايكنجى محكمه تجارتدن افلاسه
حكم اولنش اولان چوقه جى د. آ. بابادويو و قومپانيه-
سنك دمتنده آله جغنى اثبات ويا موقه قبول وقيد
ايتديرمش اولان آله جقيلرك قانوننامه تجارتك ۲۱۱
و آنى ولى ايدن ماده سى موجبجه مفلس طرفندن تكليف
اولنه جق قونقورداتونك مذاكره سى ايچون ۱۳۱۷
سنه سى تشرين اولك ۲۹ نجى بازار ايرتسى كونى
ساعت ۷ ده محكمه مذكوره نك افلاس اوطه سنه
كللى اعلان اولنور .

فى ۱۸ تشرين اول سنه ۳۱۷

ژوژ قوميسر

على رضا

مطبعه عثمانيه